

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst («Službene novine Zeničko-dobojskog kantona», broj: 7/10), Vlada Zeničko-dobojskog kantona, na prijedlog Ministarstva za prostorno uređenje, promet i komunikacije i zaštitu okoline, na 74. sjednici, održanoj 19.10.2016. godine, d o n o s i

## ZAKLJUČAK

### I.

Prihvata se Mišljenje Ministarstva za prostorno uređenje, promet i komunikacije i zaštitu okoline Zeničko-dobojskog kantona kojim se ne prihvata Inicijativa JP Elektroprivreda BiH d.d. Sarajevo, Podružnica “Elektrodistribucija” Zenica za izmjene Zakona o prostornom uređenju i građenju (“Službene novine Zeničko-dobojskog kantona”, broj:1/14, 4/16),

### II.

Zaključak sa Mišljenjem iz tačke I. upućuje se u dalju skupštinsku proceduru.

### III.

Zaključak stupa na snagu danom donošenja.

Broj: 02-\_\_\_\_\_/16.

Datum, 19.10.2016. godine

Z e n i c a

**PREMIJER**

*Miralem Galijašević*

DOSTAVLJENO:

1x Stručna služba Skupštine ZDK,

1x Ministarstvo za prostorno uređenje, promet i komunikacije i zaštitu okoline,

1x a/a.

Na osnovu člana 112. stav 1. Poslovnika Skupštine Zeničko-dobojskog kantona-Prečišćen tekst (*"Službene novine Zeničko-dobojskog kantona"*, broj:7/12), Ministarstvo za prostorno uređenje, promet i komunikacije i zaštitu okoline Zeničko-dobojskog kantona, daje

## **MIŠLJENJE**

Elektroprivreda BiH d.d. Sarajevo, Podružnica "Elektrodistribucija" Zenica, Premijeru i Skupštini Zeničko-dobojskog kantona podnijela je Inicijativu za izmjene Zakona o prostornom uređenju i građenju (*"Službene novine Zeničko-dobojskog kantona"*, broj:1/14, 4/16), kojima bi se omogućilo privremeno priključenje na elektrodistributivnu mrežu nelegalno izgrađenih objekata.

U navedenoj Inicijativi predlaže se izmjena člana 141. Zakona o prostornom uređenju i građenju kojim je zabranjeno davanje priključka na električnu mrežu, javni vodovod i kanalizaciju i drugu komunalnu infrastrukturu građevine koja se gradi ili je izgrađena bez odobrenja za građenje, kao i odredaba člana 183. kojima je zapriječena novčana kazna na prekršaj pravnom licu ako dozvoli priključenje bespravno izgrađene građevine na električnu mrežu.

Navedenu Inicijativu Ministarstvo za prostorno uređenje, promet i komunikacije i zaštitu okoline Zeničko-dobojskog kantona smatra neutemeljenom iz razloga što bi predložene izmjene bile u direktnoj suprotnosti sa odredbama člana 100. Zakona o prostornom planiranju i korištenju zemljišta na nivou Federacije Bosne i Hercegovine kojima je propisano da će se odgovorno lice u pravnom licu koje odobri priključenje bespravno izgrađenog objekta na javnu mrežu vodovoda, kanalizacije ili električne mreže kazniti za krivično djelo kaznom zatvora u trajanju od jedne do tri godine.

Prema mišljenju ovog Ministarstva prihvatanjem predmetne Inicijative podsticala bi se dalja bespravna gradnja.

Odredbama člana 188. stav (3) Zakona o prostornom uređenju i građenju propisano je da Skupština Zeničko-dobojskog kantona može na prijedlog Vlade Kantona donijeti poseban propis kojim će se regulisati bespravna gradnja na području Zeničko-dobojskog kantona.

**MINISTAR**

**Fahrudin Brkić**



Broj: 01-02-15493-1/16  
Zenica, 13.09.2016. godine

- VLADA ZENIČKO-DOBOJSKOG KANTONA-n/r premijera Kantona i n/r sekretara Vlade Kantona
- ZAKONODAVNO-PRAVNA KOMISIJA SKUPŠTINE-n/r predsjedavajućeg putem Odjeljenja Stručne službe Skupštine za poslove radnih tijela Skupštine

**PREDMET: Inicijativa JP „ELEKTROPRIVREDA BOSNE I HERCEGOVINE“ d.d. Sarajevo PODRUŽNICA „ELEKTRODISTRIBUCIJA“ Zenica za izmjene Zakona o prostornom uređenju i građenju -dostavlja se**

JP „ELEKTROPRIVREDA BOSNE I HERCEGOVINE“ d.d. Sarajevo PODRUŽNICA „ELEKTRODISTRIBUCIJA“ Zenica dostavila je Skupštini Zeničko-dobojskog kantona Inicijativu broj: 03-6-20204-16530/16 od 06.09.2016. godine, koja je na protokolu Zeničko-dobojskog kantona zaprimljena 07.09.2016. godine, a u Stručnoj službi Skupštine Zeničko-dobojskog kantona 08.09.2016. godine, za izmjene Zakona o prostornom uređenju i građenju („Službene novine Zeničko-dobojskog kantona”, broj: 1/14).

Shodno članu 112. stav 1. Poslovnika Skupštine Zeničko-dobojskog kantona – Novi prečišćeni tekst („Službene novine Zeničko-dobojskog kantona“, broj: 7/12 i 12/13) u prilogu vam dostavljamo na mišljenje predmetnu inicijativu, o kojoj ste se u smislu stava 2. citiranog člana, dužni izjasniti u roku od 30 dana, radi daljeg postupanja Skupštine po istoj u skladu s Poslovníkom Skupštine.

S poštovanjem!



**Prilog: kao u tekstu**

**Dostavljeno:**

1x Naslovu

1x Ministarstvu za prostorno uređenje, promet i komunikacije i zaštitu okoline ZDK, n/r ministra- na znanje

1x Poslancima Skupštine ZDK/05-03

1x JP „ELEKTROPRIVREDA BOSNE I HERCEGOVINE“ d.d. Sarajevo PODRUŽNICA „ELEKTRODISTRIBUCIJA“ Zenica, n/r direktora Ediseja Sjerotanovića, ul. Safvet bega Bašagića 6, Zenica- na znanje

1x U predmet – „R“/03



Javno preduzeće

**ELEKTROPRIVREDA BOSNE I HERCEGOVINE**

d.d. - Sarajevo

Podružnica "Elektrodistribucija", Zenica

05-01/08.09.2016 / Uley  
05-03 / 13.09.16. CO

Zeničko-Dobojski Kanton  
Premijeru Kantona  
Skupštini Kantona  
Kućukovići 2  
72 000 ZENICA

Zenica, 06. 09. 2016  
Broj: 03-6-20204-16530/16

07 -09- 2016

01 02/ 15493/16

**Predmet: Inicijativa za izmjene Zakona o prostornom uređenju i građenju Zeničko - Dobojskog Kantona (Službene novine ZDK broj 1/14), kojima bi bilo omogućeno privremeno priključenje na elektrodistributivnu mrežu nelegalno izgrađenih objekata**

Poštovani,

U posljednje vrijeme nam se obraćao veći broj građana Zeničko-Dobojskog Kantona, čiji stambeni objekti su nelegalno izgrađeni, sa zahtjevima za priključenje objekata na elektrodistributivnu mrežu. Međutim, zbog nepostojanja zakonskog osnova, nismo u mogućnosti pozitivno odgovoriti na njihove zahtjeve.

Odredbama Zakona o prostornom uređenju i građenju Zeničko - Dobojskog Kantona (Službene novine ZDK broj 1/14) je zabranjeno priključenje na elektrodistributivnu mrežu bespravno izgrađenih objekata. Citiramo članove 141. i 183, koji glase:

#### Član 141.

##### (Bespravno građenje)

- (1) Građenje građevine bez odobrenja za građenje nije dozvoljeno.
- (2) Za građevinu koja se gradi ili je izgrađena bez odobrenja za građenje ne smije se dati priključak na električnu mrežu, javni vodovod, kanalizaciju i drugu komunalnu infrastrukturu.

#### Član 183.

- (1) Novčanom kaznom u iznosu od 1.000 do 10.000 KM kazniće se za prekršaj pravno lice ako dozvoli priključenje bespravno izgrađene građevine na električnu mrežu, javni vodovod, kanalizaciju i drugu komunalnu infrastrukturu, (član 141. stav (2)).
- (2) Za prekršaj iz stava (1) ovog člana kaznit će se i odgovorno lice u pravnom licu novčanom kaznom u iznosu od 300 do 1.500 KM.

Molimo vas da se razmotri mogućnost izmjene i dopune Zakona o prostornom uređenju i građenju Zeničko - Dobojskog Kantona (Službene novine ZDK broj 1/14), kojima bi se omogućilo privremeno priključenje na elektrodistributivnu mrežu bespravno izgrađenih objekata ili objekata koji

DIREKCIJA

Vilsonovo šetalište 15, 71000 Sarajevo, BiH  
Tel: +387 33 75 10 00; Fax: +387 33 75 10 03  
www.elektroprivreda.ba

Reg. broj: UF/1-382/04 Kantonalni sud Sarajevo  
Porezni broj: 4200225150005, PDV broj: 200225150005  
3080510000013981 - Hypo Alpe-Adria Bank d.d. Mostar  
160106000004829 - Vakufska banka d.d. Sarajevo  
1990490176078902 - Sparkasse Bank d.d. Sarajevo

PODRUŽNICA  
"ELEKTRODISTRIBUCIJA",  
ZENICA



Deržavni br. 44 120 047705

Sašvet brega Bašagića 6, 72000 Zenica, BiH  
Tel: +387 32 44 98 03; Fax: +387 32 44 98 04  
www.elektroprivreda.ba

Reg. broj: UF/1-277/05 Kantonalni sud Sarajevo  
Porezni broj: 4200225150528  
PDV broj: 200225150005  
3389002209275405 - UniCredit Bank d.d. Zenica  
1607010000005932 - Vakufska banke d.d. Pj Travnik

su u postupku legalizacije. Zakon o građenju Zeničko - Dobojskog Kantona, koji je prethodio ovom zakonu je sadržavao i odredbe koje su regulisale ovo pitanje.

Napominjemo, da u zakonima o prostornom planiranju i građenju u drugim kantonima postoje odredbe koje omogućuju privremeno priključenje ovakvih objekata na elektrodistributivnu mrežu.

Eventualnim izmjenama ovog zakona bi omogućili humanije uslove života, najčešće siromašnim porodicama, koje žive u objektima bez električne energije. Također bi se ovim svelo na minimum nelegalno uzimanje električne energije raznim produžnim kablovima sa susjednih objekata, čime se direktno ugrožava sigurnost lica i objekata.

S poštovanjem,



Direktor

Edin Sjerotanović

Dostaviti:

- Premijeru Ze-Do Kantona
- Skupštini Ze-Do Kantona
- Tehničkom direktoru
- Pomoćniku direktora za zajedničke poslove
- Službi za pripremu priključenja na elektrodistributivnu mrežu
- a/a

DIREKCIJA

Vilsonovo šetalište 15, 71000 Sarajevo, BIH  
Tel: +387 33 75 10 00; Fax: +387 33 75 10 03  
www.elektroprivreda.ba

Reg. broj: UF/1-392/04 Kantonalni sud Sarajevo  
Porezni broj: 4200225150008, PDV broj: 200225150005  
3389002208746755 - UniCredit Bank d.d.  
1810000005160023 - Raiffeisen bank d.d. BIH Sarajevo  
1011010000346820 - Privredna banka Sarajevo

PODRUŽNICA  
'ELEKTRODISTRIBUCIJA',  
ZENICA



Cartibat br. 44 100 080708

Safet bega Bašagića 6, 72000 Zenica, BIH  
Tel: +387 32 44 96 03; Fax: +387 32 44 96 04  
www.elektroprivreda.ba

Reg. broj: UF/1-277/05 Kantonalni sud Sarajevo  
Porezni broj: 4200225150528  
PDV broj: 200225150005  
3389002209275406 - UniCredit Bank d.d. Zenica  
3389002207859205 - UniCredit Bank d.d. Travnik